



12. maj 2010

Inatsisartut suleriaasianni § 36 imm. 1 naapertorlugu Naalackersuisunut apeqqutit imaattut matumuuna saqqummiuppara:

Naalackersuisunut apeqqut:

- **Saarulliit pisassiissutaareersut 5000.-tonsit nunguppata Naalackersuisut pisassiissuteqaqqinniarpat?**
- **Royal Greenland Nuummi saarullinnik tigooqqaanissamut qanoq pilersaaruteqarpa?**
- **Nunatsinni aalisartut aalisagartassaarunnermik eqqugaallutik aalisarsinnaajunnaartut ikiorserneqarsinnaanerak Naalackersuisut suliariniarpaat? EU-p Nunatta imartaani aalisagartassaminut akiliutaasa ilaat periarfissaasinnaapput.**

(Inatsisartuni ilaasortaq Hans Enoksen, Siumut)

Tungavilersuut:

Ullumi majip aqqarnat, arnarlunniarneq naammaasippat aalisartut saarullinnialissapput, saarulliilli maannamut pisassiissutaasut killeqaqimmata pisassiissutit ingerlaannapajaaq nungunneqarnissaat ilimagineqartariaqarmat. Naalackersuisut saarullinnik pisassiissuteqaqqinnissaat pisariaqartussaalluni Naalackersuisut qanoq eqqarsarpat saarullinnik pisasseeqqinnissaminut.

EU-uup Nunatta imartaani aalisakkanik assigiinngitsunik aalisagartassinneqartarnerminut akiliutigisartagai ukiup manna ukiunullu missigersuusiorfiusunut isertitsissutissatut aningaasanut inatsimmi nalunaarsoqqapput. Taamaattumik nunatsinni aalisartut aalisakkanik pisassaarunnertik pissutigalugu ikiorsiiffigineqartarsinnaanerak isumaliutigissallugu pissutissaqarpoq.

Tassungalu ilanngullugu Nuummi Royal Greenland qanoq pilersaaruteqarpa tunitsiviunissaminut, tassami ungasinngitsukkut allagarsivimmi takuneqarsinnaasumik Royal Greenland ussasaaruteqarpoq nipisat suaanik uagutsinnut tunisiguit taava saarullinnik tunitsivik atulerpat salliutinneqassaatit.

Kisianni uagutsinnut nipisat suaanik tunisissanngikkuit periarfissaqanngilatit Royal Greenland-imut saarullinnik tunisinissannut. Inuiaqatigiit suliffeqarfiutaat pissusissamisunnigilaq namminerluinnaq aalisartunik immikkoortiterissalluni. Tassami siorna inuiaqatigiit 500-milliunit aningaasaliissutigaaq isumaqarpungalu inuiaqatigiit suliffeqarfiutaat pisinnaatitaanngitsooq aalisartunik immikkoortiterissalluni Piginnittut qullersaat tamatumunnga qanoq isumaqarpat?

Ullut suliffiusut qulit qaangiutsinnagit akineqarnissara qilanaaraara.